

王氏案

土氏醫案

無錫王旭高著

後學方

仁壽耕霞叅訂

姪

履我吉卿

子應麟孟祥校刊

欬嗽門

心咳之狀欬則心痛喉中介介如梗狀甚則咽腫喉痺蓋因風溫襲肺引動心胞之火上逆故治法仍宜宣散肺經風邪參入寧心緩火之品仲景方法畧示其端但語焉而未詳後人未細審耳

前胡

杏仁

象貝

桔梗

射干

遠志

甘草湯製

麥冬

沙參

小麥一兩煎湯代水

微妙在此一味

淵按非深入仲景堂奧不能道用宜散肺金風溫之方加小麥一兩清心熱卽補心虛何等靈敏

胡 欬嗽嘔吐痰濃頭痛風熱上蘊肺胃失降

前胡

杏仁

蘇子

橘紅

欬冬花

桑白皮

防風

桑葉

冬瓜子

丁 形寒飲冷則傷肺兩寒相感中外皆傷故氣逆而爲

欬嗽自秋冬歷春夏每每夜甚氣升不得卧近來吐血數

口是伏寒化熱而陽絡受傷矣祛其伏寒退其浮熱必兼

降氣化痰

紫苑

杏仁

款冬花

橘紅

川貝

茯苓

桂枝

淡黃芩

桔梗

半夏

桑白皮

枇杷葉

胡 肺有風邪則欬胃有濕痰則滿腎虛則腰痛肝虛則目花既不可徒散亦未可徒補擬兩顧法

蘇子降氣湯去桂枝

加茯苓

玉竹

穠豆衣

桑葉

胡桃肉

枇杷葉

某 素有寒嗽時發時止上年歲底發時寒熱六七日方止至春初喉痛三日聲音遂啞而欬嗽作總因風溫襲於

肺部宜宣邪降氣冀勉喘急

旋覆花 荆芥 杏仁 款冬花 前胡

蘇子 枳殼 川貝 川芎 桔梗

蛤殼 枇杷葉

許 寒嗽交冬則發兼患頸項強急

大熟地 六錢 麻黃一錢 煎汁浸炒鬆 茯苓 三錢 細辛五錢 煎汁浸炒 胡桃肉 四錢

五味子 八分 淡姜一錢 同炒 陳皮 二錢 鹽水炒 半夏 錢半 炒 川貝 三錢

款冬花 三錢 苡仁 四錢 杏仁霜 三錢 歸身 三錢 酒炒 黨參 三錢 元米炒

右藥爲末煉蜜爲丸每晨開水送下三錢

淵按久嗽宜此方若頸項強急未免有外風襲三陽

經也何不以湯劑兼治之

僧 欬嗽七八年欬甚必汗出近半年以來痰中見血兩次肺氣腎陰虧損矣慮加內熱延成勞怯

大熟地

歸身

蛤殼

北沙參

麥冬

川貝

甜杏仁

蘇子

桑白皮

炙甘草

枇杷葉

又 久嗽肺腎交虛猶幸胃氣尚旺法以金水同治冀精氣漸生

大熟地

歸身

炙甘草

潞黨參

桂枝

款冬花

炮姜

麥冬

半夏

阿膠

蛤殼 此微炙甘草合麥門冬湯病由寒伏肺底致成

欬嗽日久傷及精氣故於滋補中兼化痰

又 久嗽汗出諸藥不效用宜肺散

粟殼

一兩六錢醋炒

炙烏梅肉

四錢

共研末每服三錢下午開水

調服朝服金水六君子丸四錢開水送下

張 十年前三瘡之後盜汗常出陰津大傷去秋欬嗽氣
升痰中帶血至今行動氣喘內熱多汗食少無力脉虛細
數勞損根深

四君子湯加

五味子

熟地

焦六曲

粟殼

紫石英

熟附子

黃芪

白芍

麥冬

又肺主出氣腎主納氣腎虛不能納氣氣反上逆而喘
痰飲留中加以汗出陽虛欬血陰虛內熱食少肺腎虛勞
之候

四君子湯加麥冬 紫石英 熟附子 丹皮

大熟地 半夏 白芍 沉香 五味子

粟殼 烏梅

淵按奪血毋汗奪汗毋血血陰也汗亦陰也何以言
陰虛陽虛蓋汗出爲陽氣失衛欬血爲陰火所迫故
有陰陽之分

又盜汗氣喘欬嗽脉細精氣兩虛捨補攝肺腎之外更

將何法以治景岳云大虛之症卽微補尙難見效而況於不補乎

前方加歸身

牡蠣

龍骨

黃芪

姚欬嗽將及一年陰陽之氣各造其偏陽虛則外寒陰虛生內熱夏令濕熱用事邇日寒喧不調脾胃傷戕恐致成勞毋忽

沙參

茯苓

五味子

麥冬

黃芪

川貝

苡仁

沙苑子

玉竹

枇杷葉

又脈數未退陰虛未復欬嗽不止肺氣日虛夏暑將臨病尙未穩仍宜小心安養爲要

大生地 生洋參 麥冬 川貝 玉竹

五味子 黃芪 沙參 茯苓 枇杷露

唐 七旬有六之年面色紅潤脉形堅搏外似有餘裡實
不足屢患咳嗽嬌藏暗傷本月初旬微感風溫嗽欬又作
舌苔薄白底有裂紋飲食畧減風溫久戀劫胃津灼肺陰
不可再投辛散當以甘潤生津

花粉 沙參 玉竹 麥冬 苡仁

杏仁 川貝 桑葉

李 欬嗽喉痒痰或稀或濃濃則腥臭脉象右弦而滑左
弦小數肝經有鬱勃之熱肺家有膠粘之痰此痰爲火鬱

而臭並非肺癰可比當以平肝開鬱叅清金化痰

沙參

橘紅

蘇子

杏仁

石決明

川貝

茯苓

丹皮

蛤殼

枇杷葉

陳海螵

漂淡

地栗

許 欬嗽面白爲金傷脉數而洪屬虛火是脉尅色而火
勝金也夏至一陰生正屬火令爲剝極則復之際倘若剝
而不復頗有火灼金銷之慮

黨參

黃芪

炙甘草

茯苓

懷山藥

麥冬

沙參

五味子

紫苑

陳皮

此生脈散合六君子湯加紫苑夫四君去朮 加黃芪

山藥陳皮亦名六君在醫方集解中

王暑風從背俞而內薄於肺濕熱從胃脈而上注於肺
外內合邪其氣併於胸中氣不得通因而上逆氣升作咳
舌苔薄白口膩不渴治屬飲家

半夏

陳皮

枳殼

馬兜鈴

杏仁

射干

通草

冬瓜子

枇杷葉

淵按宜佐開泄暑風之藥一二味如香薷蘇梗之類
關體弱素虧頻年屢患欬嗽今春產後悲傷欬嗽復作
背寒內熱氣逆痰多脈虛數大便溏延今百日病成蓐勞
按產後血舍空虛八脈之氣先傷於下加以悲哀傷肺欬

嗽震動衝脈之氣上逆經云衝脈爲病逆氣裡急陽維爲
病苦寒熱頻進疎風清熱脾胃再傷以致腹痛便溏食減
無味斯皆見欬治欬之弊越人謂上損及脾下損過胃俱
屬難治姑擬通補奇經鎮攝衝脈復入扶脾理肺未能免
俗聊復爾爾

大熟地

砂仁
炒炭

當歸

小茴三
分拌炒

紫石英

白芍

桂枝三
分拌炒

白茯苓

川貝

牛膝

鹽水
炒

張 穉齡形瘦色黃痰多食少晝日微欬夜寐則喉中嚙
吼有聲病已半載性畏服藥此脾虛濕熱蒸痰阻肺也商
用藥棗法

人參

炙甘草

冬朮

茯苓

製川朴

蒼朮

宋半夏

陳皮

川貝

梔子

右藥各研末和一處用好大棗一百枚去核將藥末納入棗中以線紮好每棗一枚大約納藥二分爲准再用甜葶藶一兩河水兩大碗用棗煮候棗軟熟不可太爛取出曬乾候飢時將棗細嚼一枚一日可用五六枚餘棗湯去葶藶將湯煎濃至一茶杯分三次先溫服

此平胃六君子湯加川貝梔子也製法極好治脾虛濕熱蒸痰阻肺喉中痰多者從葛可久白鳳膏化出頗有巧意服之遂愈

淵按心思巧妙觸發後學不少

畢 勞心苦志耗損營陰陰虛生內熱熱勝則風動由是
心悸少寐頭眩欬嗽晡熱朝涼種種病情相因而至前議
甘涼生津微苦泄熱服後熱減欬稀原得小效而或謂外
感改投辛散雜入消導苦寒以致咳頻汗多猶云邪未盡
達再欲發汗大言不慚豈非痴人說夢耶余今仍用甘涼
竊恐見此方者又訾議於後也呵呵

沙參

玉竹

麥冬

地骨皮

茯苓

川貝

稽豆衣

茯神

鐘乳石

雪梨肉

紅棗

奚 風邪襲肺肺氣失宣一月以來欬嗽上引頭痛乃振
動肝胆之陽也幸胃旺能食邪未延及於中第久戀於肺
者勢必漸化爲熱乃欬而喉痛音啞肺陰爲熱耗矣宣風
散熱潤肺化痰是其治法然非數劑所能治蓋風入肺系
祛之亦不易也

牛蒡子

馬兜鈴

川貝

桔梗

杏仁

生甘草

海浮石

蛤殼

阿膠

桑葉

枇杷葉

另蛤粉

一兩

青黛

二錢

蟬脫

七分

共三

味研爲細末分七服藥汁調下每日一服

肺陰已傷引動肝陽欬作頭痛青蛤散頗合皂莢子不

可用恐劫液也

戴 五臟皆有欬總不離乎肺肺爲嬌藏不耐邪侵感寒則欬受熱則欬初起微有寒熱必夾表邪邪戀肺虛脈形空大前方降氣化痰保肺滌飲俱無少效據云得汗則身體輕快想由肺氣雖虛留邪未盡補虛而兼化邪亦一法也用錢氏法

牛蒡子

元米炒

馬兜鈴

杏仁

阿膠

蛤粉炒

蘇子

桑白皮

款冬花

炙甘草

茯苓

桑葉

枇杷葉

沈 脈虛軟而似數內傷虛弱奚疑夫邪之所湊其氣必